

Boux Lauxsae Ndawsim Gou

Gveigangj Si Cinzdangz Gih Mungzgungh Cin Sinhlingj Siujyoz seiq (1) ban Veiz Dunghyui/韦冬睿

Danghnaeuz mwngz cam gou, boux lauxsae ndaw sim gou dwg baenzlawz yiengh? Gou itdingh lwnh mwngz nyi, boux lauxsae ndaw sim gou dwg boux lauxsae youh daegbied youh mizyinx ndeu. De louz miz gij byoem ndaem-ndetndet、raezrangrang, couh lumj raemxdiuqdat nei, raez yaek rag daengz gwnznamh bae lo. De byaij loh le gij byoem raezrangrang de couh lumj geu buhlongz ndeu nei, gyaundeide raixcaix!

Gyanghaet, daengngoenz daxgoeng swng hwnjdaej le, boux lauxsae neix hwnq le gienh saeh daih'it itdingh dwg gaem roi roi gij byoem raezrangrang de, de ndaw bak ngon fwen, aenroi

rub gij byoem de, couh lumj rub yienzgimz nei.


Boux lauxsae neix dwg yijvwnz lauxsae. De gyaenz ganggoj hawj dou dingq. Byoem de miz geijlai raez, gojgaeq de gangj haenx couh miz geijlai raez. Caemhcaiq, de itmienh gangj gojgaeq, byoem de couh itmienh rox byaujyenj, mizyinx lai lo!

Seiz lauxsae gangj gojgaeq《Manaez Caeuq Roegga》, byoem de couh bienqbaenz duz manaez caeuq duz roegga, youq gwnz gofaex laj gofaex duz gwnz duz laj gangjviah. Seiz de gangj gojgaeq《Vihmaz Doenghduz Aeu Miz Rieng》, byoem de couh bienqbaenz aen

vwnhauh hunghung ndeu, miz gak cungj gak yiengh doenghduz youq de yaenglwnh aeu cawx cungj rieng lawz ne! Ceiq mizyinx dwg lauxsae gangj gojgaeq《Saenzbit Majliengz》seiz, byoem de lij bienqbaenz saenzbit、maxhung、gungnaq、ruzhung, caemhcaiq bienqbaenz faex ngauz ndaej ngaenz! Haha! Dou caen siengj cung hwnjbae ngauz geij mbat, yawjyawj dwg mbouj dwg miz ngaenz doek roengzdaej dahraix!

Dingq boux lauxsae neix ganggoj couh lumj yawj denyingj ityiengh, dou cungj dingq ndaej gig miz feihdauh!

Mwngz gyaenz boux lauxsae yienghneix lwi?



如果你问我，我心目中的老师是怎么样
的？我一定会告诉你，我心目中的老师，是
一位特别的、有趣的老师。她留着黑黑的、
长长的、像瀑布一样的长发，长度差不多拖
到地上去了。她走起路来，长长的头发就像
披风一样，美丽极了！

清晨，每当太阳公公升起来的时候，这
位老师起床的第一件事一定是拿起梳子梳理
她的头发，她轻轻地哼着歌，她手上的梳子
抚摸着她的头发，就像拂过琴弦一般！

这位老师是一位语文老师。她很喜欢给
我们讲故事，她的头发有多长，她讲的故事
就有多长。而且，她一边讲故事，她的长头
发就一边配合着表演，可有意思啦！

当老师讲《狐狸和乌鸦》的故事时，她

的长头发就变成一只狐狸和一只乌鸦，在树
上树下一上一下说着话。当老师讲《为什么
动物会有尾巴》的故事时，她的长头发就变
成一个大大的问号，有各种各样的小动物在
讨论着要买什么样的尾巴呢！最有意思的
是，当她讲起《神笔马良》的故事时，长头
发还能变成神笔、骏马、弓箭、大船，甚至
摇钱树！哈哈！我们好想冲上去摇一摇，看
看能不能真的摇下金币！

听这位老师讲故事就像看电影一样，我
们都听得津津有味！

你喜欢这样的老师吗？

(lauxsae son raiz Luz Siujmei /
指导老师 陆小媚)

我
心
中
的
老
师

Saeh Gaxgonq Mbaet Byaekgut

Mwhhaenx dwg seizcin, gingjsaek moqseuq
youh ndeigyaenz, gij rumzcin unqswnh haenx sawj
fanh yiengh dauqcungz fat ok senggei. Gij byaekgut
ranzcoj hix mbouj laehvaih, gogo cungj ceng gonq
lau laeng gienj baenz gij yienghceij duz saehaexma
ndonj okdaej, ciemhciemh miz di heu moq he lo.
Gou siengj, neix wnggai dwg seizcin soengq hawj
gyoengqvunz donq feihgwn ndeu ba.

Daengz byai cin, hix dwg byaekgut seiz ceiq oiq
de. Mwh gou lij iq, goengda couh daenj fouq
madfwngzfaiq hau ndeu, riuj song aen loz hung, daiq
gou bae gwnz bya laeng ranz doengzcaez mbaet
byaekgut.

Gou yawj goengda, aeu fwngz baez rub, geij
diuz byaekgut haenx couh fat ok sing byotyengj
“gaca” ndeu, gaenlaeng sikhaek lauxsaed dwk doek
roengz ndaw loz bae. Gou raen geizheih lai, hix riuj
aen loz daengz baihnaej byaekgut, hag gij yiengh
goengda, aeu fajfwngz iqiouq swhgeij bae rod
byaekgut, mboujgvaq yienghneix guh gingqyienz
raen inmanh sadsad. Goengda raen gou inget
najnyaueq, daej riu mbouj ndaej naeuz:“Lan huk ha,
aeu genj gij nga saeq haenx, lumj mwngz gaem diuz
yienghhaenx co, mboujdan feihdauh saepsatsat, lij
nanz euj ndaej raek.” Gou fwt roxyiuj, couh sijsaeq
dauqcawq ra gij byaekgut iq reux, baez raen miz
diuz ndeu, couh lumj raen doxgaiq daegbied dijbauj
yienghhaenx sim' angq dwk euj raek, cang youq
ndaw loz gou, mbouj yaep ndeu, ndaw loz couh ninz
rim haijlai byaekgut.

Gou miz di gikdoengh, couh doiq goengda
naeuz:“Goengda, raeuz beijbeij byawz mbaet ndaej

byaekgut lai, baenzlawz yiengh?” Goengda riu dwk
han lo. Gvaq yaep ndeu le, gou miznaj dwk dawz aen
loz gwnz fwngz hwnjdaej:“Mwngz yawj, gou miz
baenzlai, leixhaih ba!” Vah ngamq gangj sat, cix
myaeg raen ndaw loz goengda, caeux couh cang rim
lo. De lumjbaenz fatyienh gou gig doeksaet, gangj
vah yinxdaeuz naeuz:“Haxbaenh dwg bouxlawz yaek
caeuq gou beij bouxlawz mbaet ndaej byaekgut lai
ha?” Nditndat raeujrubrub nem youq gwnz najriu
goengda, ndoj youq ndaw nyaueq naengnoh de, gou
riu cix mbouj dap.

Mbwn, lamzsumsum, lumj gaiq baengz-
duenhlamz ndeu deng dangqbingz bae nei, gij fwj
lumj raen mbouj raen gikgyanggyang nem youq gwnz
mbwn lamzva, miz geij faen lumj vehcousiengq. Riuj
gij “huq doxdax hingz” hwnj, gou rag fwngz goengda
menhmenh byaij youq laj ndit, ndaw hoengheiq miz
geu feihdauh ndeu heuhguh gij feihdauh goeng lan
caencingz.

Ma daengz ranz, yawj byaekgut rim loz, yahdaiq
cig haenh gou caeuq goengda, ndaw sim gou
feihsubsub. Gaenlaeng yahdaiq dawz bat byaekgut
he swiq seuq、cauj ndei, ndaw gyanghongh sikhaek
biu rim gij feihrang byaekgut, gij feihdauh haenx
dwg cungj feihdauh ceiq caensaed、ceiq daeuznduj、
ceiq vuenyungz haenx!

Bihaenx, caiq ma daengz ranzcoj ——

Gij yienghsiengq gyaundeide siusaet mbouj raen
lo. Goengq bya maj gogut haenx deng moux aen
gunghshw vat bingz, hwnq baenz doengh baenz
doengh ranz caeuq gij bwzyouz maxloh muengh
mbouj daengz gyauej haenx. Aen ndang goengda

hix beij mbouj ndaej gaxgonq, baihlaeng miz di
gaeuz lo, gij nyaueq gwnz naj caeuq byoem hau hix
yied daej yied lai lo. De mbouj lumj gaxgonq
yienghhaenx gangriu mizyinx, yawj daej miz di
ngawz lo. Yawjraen doengh gijneix, gou mwnh lo,
raq soemjliengz ndeu nyoengx haeu ndaw sim, saek
rim daengx aen conghndaeng, ndaw da roenx
raemxda, sim gou in lumj deng cax gvej, gij gvaqbae
haenx nanzdauh ngamq dwg ndwenngoengz ha?

Seizneix, ndaw uk ciuqiengh lij louz miz aen
naj goengda unqswnh youh raeujrub, louz miz gij
byaekgut feih ranzcoj gagmiz haenx. Laxlawz, gij
gut iqetet haenx, gaeng ndaem youq ndaw ndaejgeiq
gou laeglaeg bae, bienqbaenz le gij caencingz
noengzgwd.

(Ciz Gyahleiz raiz Luz Haijdaz hoiz / 作者:
徐嘉蕾 翻译:陆海德)

